



Deddf Gwasanaethau Cymdeithasol a Llesiant (Cymru) 2014

2014 dccc 4

RHAN 9

CYDWEITHREDIAD A PHARTNERIAETH

Trefniadau partneriaeth

168 Byrddau partneriaeth

- (1) Caiff rheoliadau ei gwneud yn ofynnol i fwrdd partneriaeth mewn cysylltiad â threfniadau partneriaeth a wneir o dan reoliadau o dan adran 166 gael ei sefydlu gan—
 - (a) un neu fwy o awdurdodau lleol,
 - (b) un neu fwy o Fyrddau Iechyd Lleol, neu
 - (c) un neu fwy o awdurdodau lleol ac un neu fwy o Fyrddau Iechyd Lleol.
- (2) Caiff rheoliadau wneud darpariaeth ynghylch y canlynol—
 - (a) aelodaeth byrddau partneriaeth;
 - (b) talu cydnabyddiaeth ariannol a lwfansau i aelodau byrddau partneriaeth;
 - (c) amcanion a swyddogaethau byrddau partneriaeth;
 - (d) y gweithdrefnau sydd i'w dilyn gan fyrddau partneriaeth;
 - (e) gwaith llunio adroddiadau gan fyrddau partneriaeth ac ynghylch eu ffurf, eu cynnwys, eu hamseru a'u cyhoeddi.